

## ҚУРИЛИШ ПУДРАТИ ШАРТНОМАЛАРИ БЎЙИЧА ДАРОМАДЛАР ВА ХАРАЖАТЛАРНИНГ ЭЪТИРОФ ЭТИЛИШИ

15. Даромадлар ва харажатларни бухгалтерия балансини тузиш санасига пудрат бўйича қурилишни якунлаш даражасини ҳисобга олган ҳолда даромадлар ва харажатлар сифатида эътироф этиш керак (яъни пудрат бўйича ишларни якунлаш фоизига таянган ҳолда). Даромадлар ва харажатлар улар пайдо бўлган ҳисобот даврларида эътиборга олиниши керак.

16. Белгиланган нархдаги қурилиш пудрат шартномасининг натижаси қуйидаги барча шартларга риоя этилганда баҳоланади, агар:

- пудрат шартномаси бўйича умумий даромад аниқлаш мумкин бўлса;
- пудратчи иқтисодий фойда олса;
- қурилиш ишларини бажариш харажатларини ва фоизини аниқлаш ҳамда бухгалтерия балансига киритиш мумкин бўлса;
- пудрат шартномаси бўйича қилинган ҳақиқий харажатларни смета меъёрлари билан қиёслаш мумкин бўлса.

17. «Шартнома нархдаги» қурилиш пудрат шартномасининг натижаси қуйидаги барча шартларга риоя этилганда баҳоланиши мумкин, агар:

- пудратчи иқтисодий фойда олса;
- қурилиш ишларини бажариш харажатлари ва фоизини аниқлаш ва бухгалтерия балансига киритиш мумкин бўлса.

18. Агар қурилиш пудрат шартномаси бўйича даромадга киритиб бўлинган ва молиявий натижалар тўғрисидаги ҳисоботда акс эттириб бўлинган маблағни олиш пайтида ноаниқлик юзага келадиган бўлса, у ҳолда тўлиқ олинмаган маблағ ёки олиш эҳтимоли йўққа чиққан маблағ қурилиш пудрат шартномаси бўйича даромад миқдорини тузатиш сифатида эмас, балки харажат сифатида ҳисобга олинади.

19. Қурилиш пудрат шартномаси бўйича бажарилган ишлар фоизи шартнома турига қараб қуйидаги усулларда ўлчанади:

- муайян санага бажарилган қурилиш ишлари бўйича харажатлар миқдорини шартнома бўйича умумий смета харажатларига нисбатан;

- назорат ўлчовини ўтказиш;

- қурилиш пудрат шартномаси бўйича ишларнинг жисмоний (физик) қисмини яқунлаш.

Буюртмачидан олинган оралиқ тўловлар ва бўнак тўловлари бажарилган ишлар даражасини акс эттирмайди.

20. Қурилиш пудрат шартномаси бўйича натижани ишончли тарзда аниқлаш мумкин бўлмаган ҳолларда:

- даромад пудрат шартномаси бўйича қилинган чиқимлар қопланиши эҳтимоли бўладиган даражадагина эътироф этилиши керак;

- қурилиш бўйича харажатлар улар ҳақиқий қилинган давр мобайнида бошланғич ҳисоб-китоб маълумотлари бўйича харажатлар сифатида эътироф этилиши керак.